



Aningaasaqarnermut Nunamullu Namminermt Naalackersuisoq

Dato: 7. november 2014
J.nr.: 01.31.06/14-00679

Aningaasaqarnermut Akileraartarnermullu Ataatsimiititaliap tallimangornermi ulloq 7. november 2014-imi aalajangiineranik Naalackersuisunut ilisimatitsineq

NunaMinerals A/S-imi aningaasaatinut akiliuteqarnek. (Suliaq nr. 01.31.06/14-00679).

Naalackersuisut **inassutigaa**,

- kontomi pingaarnermi 20.01.04 Digitaliseeriinermut Aqutsisoqarfik, aningaasaliissutit 85.000 koruuninik ikilisinneqassasut
- kontomi pingaarnermi 20.11.50 Ingerlatsinermut sillimmatit, aningaasaliissutit 3,915 mio. koruuninik ikilisinneqassasut
- kontomi pingaarnermi 20.11.70 Suliniutinut nutaanut sillimmatit, aningaasaliissutit 500.000 koruuninik ikilisinneqassasut
- kontomi pingaarnermi 10.13.11 Aktiaateqarluni ingerlatseqatigiiffinnut aningaasanngorlugit aningaasartuutit (tapiissutitut aningaasaliissutit) 4,5 mio. koruuninik amerlineqassasut.”

Aningaasaqarnermut Akileraartarnermullu Ataatsimiititaliap oqaaseqaatai

NunaMinerals A/S-ip 4,5 mio. koruuninik tapersiivigineqarnissaanik Naalackersuisut inassuteqarput. Ingerlateqqatigiiffiup aningaasalersuinermi ajornartooqqanera, tamatumalu kingunerisaanik matoqqajaanera tamatumunnga tunngaviuvoq.

Ilisimatitsissutigineqarpoq ulloq manna tikillugu ingerlatseqatigiiffik aningaasaliissussanik nutaanik nassaarsimangimmat, taamaattumillu ingerlatseqatigiiffiup periarfissatut kingullertut Namminersorlutik Oqartussat aningaasaliisinniarsimagaluarpai, taamaanngippallu iliuusissatut allatut ingerlatteqatigiiffiup nakkutigisaasumik matusinissaq aallartinniarlugu. 4,5 mio. koruunit piffissami 2014-imi novembarimiit 2015-imi januaarip naanerata tungaanut matussusiusussat aningaasaliissutigineranni, ingerlatseqatigiiffiup annertunerusumik aningaasalersuinissamik paasinarsisitsinissaq suliarissavaa, taamaalilluni ingerlatseqatigiiffiup 2015-imi januaarip naanerata kingorna 4,5 mio. koruunit atoneqareersimalerpata, ingerlatsinini ingerlateqqissinnaalissallugu.

Naalackersuisut paasissutissiissutigisaat “Tunngaviusumik oqaatigineqartariaqarpoq ingerlatseqatigiiffik qinnuiginninnermini kingusissorujussuarmik iliuuseqarsimammat, aammalu aatsaat Naamminersorlutik Oqartussat nammineerlutik saaffiginninneranni ingerlatseqatigiiffiup nukinginnartumik inissisimanera paasineqarluni.” allatut ajornartumik Ataatsimiititaliamit tusaatissatut tiguinnarneqartariaqarpoq. Tamatuma kingunerisaanik Namminersorlutik Oqartussat qisuariarnissamut periarfissaat maannakkut killeqartorujussuan-

ngortutut, tamannalu politikkikkut inissisimanermit sakkortusineqartutut, Naalakkersuisunit isigineqarmat Ataatsimiititaliamit isumaqatigineqarpoq.

Aningaasaqarnermut Akileraartarnermullu Ataatsimiititaliap aalajangiinera
Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput.**

Ataatsimiititaliaq sinnerlugu

Jens Immanuelson
Aningaasaqarnermut Akileraartarnermullu Ataatsimiititaliap siulittaasua t